


Числительнай. Числительнайларның пүдізі. Числительнайларның пөліктері

Числительнайның тиксі омазы.

Числительнай — ол санны (*алты, чүс*), ниме-нооның санын (*пір тура, иліг ахча*) паза изерізін (*пастагы кізі, онынчы көнек*) таныхтапчатхан чоох чардығы.

Числительнайлар *нинче? нинченчі? нинцелер? нинчөлең? нинчеліг? нинчече?* сурығларға нандырчалар.

Числительнайлар, пасха имяларох чіли, чоохтағның прай членнері полчалар: *подлежащай, сказуемай, толдырығ, чарытхы* паза *обстоятельство*. Көзідімге алза, *Он нис ниске үлелче* чоохтағда *он нис* (ниме?) числительнай подлежащай полча, *ниске* (ниме?) – толдырығ. *Тогазыгда онча кізі полған* чоохтағда *онча* (хай син? нинче?) числительнай син обстоятельствозы полча.



Олаңай числительнайларға пір төстіктең пүткеннер кірчелер: *пір, читі, он*, ан.п.

20, 30, 40, 50 оннар ідөк пір төстіктең пүт парғаннар. Оларны адирға өнетін сөстер киректелчелер: *чибіргі, отыс, хырых, иліг*.

Піріккен хадыл числительнайларға ікі төстікнең пүткеннер кірчелер: *алтон (алты+он)*, ан.п.

60, 70, 80, 90 оннар, пірге пазылып, ікі төстіктең пүтчелер. Килістіре единицанаң паза он сөстернең: *алтон, читон, сигізон, тоғызон*.

Палғалыстығ хадыл числительнайларға ікі алай аннаң даа көп төстікнең


пүткеннер кірчелер: 11-дең 20-е читіре. 21-дең 30-ха читіре, 31-дең 40-ха читіре, ан.п.

Пу числительнайлар оннарны, чүстерні, муңнарны паза олардаң даа пасха нольлығ саннарны паза единицаларны таныхтапчатхан сөстернің палғалызынан пүтчелер: *он пис (15), отыс читі (37), алтон үс (63), үс чүс хырых алты (346), он читі муң пис чүс иліг тоғыс (17559)*, ан.п.

Пу оңдайнаң хадыл числительнайлар прай түрк тіллерінде пүтчелер.

Палғалыстығ хадыл числительнайларның пүдізіне олаңай даа, піріккен хадыл даа числительнайлар кірче: *пір муң ікі чүс отыс алты, сигіз он пис* паза ан.п.

Тузазы паза грамматика пілдіріглері хоостыра числительнайлар мындағ пөліктерге чарылчалар:



Полған на пөліктің грамматика саринаң позының пілдіріглері пар.

Идер тоғыстар

1. Числительнайларны пу оңдайнаң изерістіре пас салыңар:

а) олаңай; б) піріккен хадыл; в) палғалыстығ хадыл.

Алтон, үс чүс алтон пис, миллиард, чүс, он пір, алты, читон читі, сигіз он,

иліг, пис, төрт, тоғызон, ікі муң читі, хырых.

2. Числительнайларны, сөстернең пазып, таблицаа киріңер.

100, 5, 50, 70, 35, 60, 40, 200, 256, 80, 1930, 20, 90, 10, 905,
1992, 1/2, 3/4, 1/10.

Олаңай числительнайлар	Піріккен хадыл числительнайлар	Палғалыстығ хадыл числительнайлар

3. Сөстіг диктант пазарға тимненіңер.

Отыс, тоғызон, чибіргі төрт, төртөлең, пір пистіг, *сигіс чүс читон*, миллион, ікі үстіг, онолаң, пір муң, читі сигістіг, *чибіргінчі*, алтынчы, ікөлең, пір төрттіг.

Числительнайларны нүдізі хоостыра үс нөлікке чар салыңар:

а) палғалыстығ хадыл: ... ; б) піріккен хадыл: ... ; в) олаңай:

Арланған числительнайларнаң тузаланып, чоохтағлар нүдіріңер.

4. Пірге пазылчатхан числительнайларны сығара пазыңар.

Тоғыс (он), пис (алты), алты (он), алты, сигіс(он).

Литература

1. Боргояков В.А., Медведева М.А., Кызласова И.Л., Чебодева Л.А. Хакас тілі. Морфология (Пос алынча чоох чардыхтары): үгредіг пособиезі/ В. А. Боргояков, М. А. Медведева и др. – Ағбан: Н. Ф. Катановтың адынаң хакас хазна университетінің издательствозы, 2018.
2. Грамматика хакасского языка [Текст] / Под ред. Баскакова Н.А. – М.: Наука, 1975.
3. Сравнительно-историческая грамматика тюркских языков. Лексика [Текст]. – М., 2001. – С. 692-693.
4. Хакас тілі. Морфология [Текст] / 021700.02 Филология (Хакас тілі паза литература) специальностьча үгренчеткен студенттерге үгредіг пособие / филнд Карповтың В.Г. редакциязынаң – Ағбан: Н.Ф. Катановтың адынаң Хакас хазна университетінің издательствозы, 2004. – С. 38-45.
5. Этимологический словарь тюркских языков. Общетюркские и межтюркские основы на буквы «Ж», «Й» [Текст]. – М., 1989. – 202 с.
6. Этимологический словарь тюркских языков. Общетюркские и межтюркские основы на буквы «К» [Текст]. – М., 2000. – 235 с.